



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1510534
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

01 դեկտեմբերի 2020թ.

ք. Երևան

(կազմման վայրը)

Ակտի հասցեագրեր

«ԻՔՍ-ԻԳՐԵԿ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

0	1	2	3	3	5	8	9
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք. Երևան, Սիլիկյան թղմ., Շահումյան 5/1

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 11.11.2020թ-ի թիվ 1510534 որոշման համաձայն «Իքս-Իգրեկ» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում 18.11.2020թ-ին ժամը 12:50-ին ք. Երևան, Սիլիկյան թղմ. Շահումյան գերեզմանների միջնամասում ուսումնասիրության է ենթարկվել կայանած «Ձիլ 130» մակնիշի, 36 GL 539 հաշվառման համարանիշի ավտոմեքենան: Մեքենայի վարորդ ներկայացած Վաչիկ Վարդանյանը բանավոր հայտնել է, որ վերը նշված մեքենայով ք. Երևան, Սիլիկյան թաղ. Շահումյան 5/1 հասցեում գտնվող «Իքս-Իգրեկ» ՍՊԸ-ի հանքավայրից իր անձնական կարիքների համար բարձել է՝ ընդամենը 19.200 ՀՀ դրամ արժողությամբ 4 խոր. մետր բազալտե խճաքար, որի համար որևէ ուղեկցող փաստաթուղթ չի ունեցել: Օհմ իրականացման վայր ժամանած ընկերության տնօրեն Սմբատ Վիրաբյանը 18.11.2020թ-ին ներկայացրել է գրավոր հայտարարություն այն մասին, որ նշված մատակարարման համար տեխնիկական պատճառներով ուղեկցող փաստաթուղթ դուրս չի գրել:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 1.046.000 ՀՀ դրամ արժողությամբ ապրանքների տեղափոխման համար ընկերության կողմից 14.07.2020թ-ին ժամը 12:25-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է ընկերության տնօրեն Ռաֆայել Կիրակոսյանի կողմից 14.07.2020թ-ին տրված գրավոր հայտարարությամբ:

Թիվ 1510534 արձանագրությամբ 14.07.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Իքս-Իգրեկ» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում «Իքս-Իգրեկ» ՍՊԸ-ի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել է 19.200 ՀՀ դրամ, որի 50 տոկոսը կազմում է 9.600 ՀՀ դրամ, ուստի օրենսդրական պահանջից ելնելով «Իքս-Իգրեկ» ՍՊԸ-ի նկատմամբ կիրառելի է 200.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Իքս-Իգրեկ» ՍՊԸ-ին գանձման առաջադրել 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	523.000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակով:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

տնօրեն Սմբատ Վիրաբյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հաղորդ առաքման դեպքում)

ստորագրությունը

2020թ.

(նշում ակտը ստորագրելուց և (կամ) ստանալուց հրաժարվելու մասին)